



05260

南堂詩鈔卷七

後集

晉江施世綸文賢

初春秣陵舟上寄都友

江帆霧裏發春雁逢歸時故人在天上芳草又相思未暇報書札寄君江上詩

簡宗梅岑黃仙裳二隱居

何必禰前古二子乃今才試作梁園客應比鄒與枚太郭五十里宗生衡門開東原惜未到輟棹每裴裒黃子喜在邑彌歌古城隈如訪范野人入門高興催頃別已經歲欲見無由來相思如曉月長懸平山臺悠々邗水上高卧二賢哉

南堂詩鈔卷七

一

水洲大觀樓

增城俯天塹勢欲墜三吳樓櫓明朝日江山靜帝圖峰青聞過雁沙碧見飛鳧倏忽春潮至風檣陣馬趁

雨中遊長干寺

兩暗寶山巔花舍六代煙長干還有寺不是赤烏

年

又

數里石頭路一聲天界鐘紛紜城郭夜人靜嘯魚

龍

棟亭

吏情一卷白雲詞，到處為余弔古時。今日江南來
駐馬，春風又作棟亭詩。

長別離

逝水無歸日，春雲無還期。綠楊今掃地，燕麥已如
絲。天意頻風雨，春江空逶迤。窈窕謝家蘊，高才白
雪詩。綠窗愛子史，學字喜臨池。環珮猶在耳，昨宵
我夢之。如何忽中斷，月隊經天時。冥路終遙遠，人
間長別離。

南堂詩鈔卷七

二

李左民春山霽雪圖歌

火雲燔空絕飛鳥，北窗午夢門庭悄。山人留畫出
門去，覺來挂壁所見少。頃刻都忘炎日翻崢嶸，惟
見玉峰繞不涸，策蹇踏澗岡已入廬山遊。五老只
愁谿路無梅花，令我清詩何處討。寄語蘭陵李画
師，他日不嫌為予掃。更於絕壑寒潭邊，添得繁花
向晴昊。

文中四弟重修嚴陵先生祠堂作長歌寄之

嚴陵水清石粲，嚴陵釣臺臨絕岸。天生山水為
先生，天生先生非為漢。高風萬古不可攀，下視軒

冤如塗炭即今世遠道逾尊一綵九鼎人爭羨漢
家空自築雲臺輸與釣月栖霞畔客星照耀古猶
今天子直作故人看睦州司馬吾之弟風流文采
超時彥長懷廉潔政無頰振起貪頑懲僇悍艤舟
直上出雲霄曉步層崖宿天半臨風仰止溯斯人
堂宇傾頹猿鳥嘆先生有道不可湮司馬重來復
輪奐祠記上追文正公愧我歌詩安足讚

吳江夜泊

擊柝行人斷淒涼古渡頭疎星懸驛館殘月掩江
樓渚荻漁驚夢蓬窗客倚秋輝常近水遠火照

南堂詩鈔卷七

三

行舟

吳王臺歌

秋月照湖山秋風吹湖水碧與山青酒香歌吹
裏替時吳王臺採蓮葉開館娃人猶醉江上烏
喙來吁嗟欲圖霸黷武爭黃池勾踐卧薪用蠡種
畝也為佞骨誅夸君王多自不修德西施女兒焉
能為

寓海陵俞家園

百里東陵路夙諳習家池館暫停驂避嫌不問門
前客多病還披肘後函翠石檻邊人夢冷玉蘭窗

外鵲聲酣邇來太瘦緣詩思猶向桐陰葉下探

雪後官齋漫興

曉來已白南岸山月明又素梅花閣此境清絕與
誰論此心天地同寥廓城頭百尺廣陵濤盡洗浮
華歸太樸嗟哉歌吹又何人那聽河干凍頰哭

舟行睿晚

樹密村橋暗沿流出落花閒原翻麥浪野渡卧漁
槎日暖煙光厚睿長鳥語賒但令風俗古地即武
陵家

睿盡

南堂詩鈔卷七

四

杏子欄邊紅不見碧桃亭外青歸院一風一雨花
較稀九十睿光今日遍靜午不聞啼柳鶯鈎簾惟
見穿廊燕主人題句送睿歸風約楊花拂溪硯

惠山

片帆屢經過九龍青在目茲來有暇遊維纜向山
麓翠色擁雲門珠璣噴螭腹訪勝探靈泉清泚破
巖綠宸翰寄品題微波注息沐此山以泉名此泉
無百斛萬古自澄泓淵然遍隈隩吾知智者心悟
彼一池玉日午兮餘湍扁舟載瓊瑤歸去滌煩襟

豈徒佐茗粥

秦園

問泉山已午來向秦園遊石壁蒼松古脊池盈不
流小橋通夾岬高閣帶芳洲我行綠波上風暖散
鳧鷗折徑登梅嶺迢迢亭際幽低雲時度渚林缺
見行舟谷鳥啼一聲東風暮靄浮客貪光景勝主
愛賓匆留列席羅絳竹清歌出林邱難陪學士醉
且復發鳴騶

柳陰較射

園柳挂斜陽輕風搖綠線上枝啼曉鶯下枝掠雙
燕日長簿領閒夏永晴陰习未敢息微躬還調白

南堂詩鈔卷七

五

羽箭卻月上臂薜霜鵬出海甸一發不留餘熊侯
已雙貫爭看如堵墻驚呼若雷電吾愧峴山遊輕
裘勝組練往古歎賢豪仁風至今羨悠然望西軒
欲雨浮雲變

水步舟中遇雨

欵乃津頭綠柳垂空濛一葉下江湄煙飛翠滴南
朝寺雨溼風翻北固旗杳杳漁歸雲際重沉沉鳥
向暝邊逢山靈識得幽人意洗盡青巒待咏詩

夏雨即景廻文

樓遮柳暗綠煙低靜院閒聲一鳥啼愁裏夢歸春

色暮鈎簾對雨小軒西

署齋遣興

纔罷琴聲出竹來小亭冒雨看花開紫薇欄外青
垂柳紅杏池邊白放梅栗鶴不隨春意開詩書任
被世情猜東風次第吹桃李又到玉蘭枝上催

同佟鍾山別駕登平山堂

新柳平山路遺蹤六一遊感時空倚檻懷古丹登
樓白鳥一雙杏孤雲千載悠何人同此調水部寂
風流

蓮塘

南堂詩鈔卷七

六

汾海寺邊路紅蕖兩岸香柳陰移畫舫雲影駐金
塘約臂迎交甫並頭邀女郎日斜風晚菱唱起
鴛鴦

題張見陽大觀三山圖

廬陽胷界超尺幅掃金焦江氣魚龍靜山容霧雨
消樓橫仄步小嶂落秣陵遙浩蕩春亭上風來欲
作潮

對雨

徑靜鳥聲遲春雲覆夕墀草塘依白羽煙柳溼青
絲不赴看花約空吟阻雨詩海棠簷外出剛放兩

三枝

山行

亭午傍山行山深水益清鳥呼如舊識花笑不知
名谷口聞人語林端出斧聲偶過松澗底睡鹿起
還驚

遊寶華山

松篁盤嶺路蒼翠入雲天下界煙蘿盡中峰棟宇
懸山開梁帝日寺記大明年俯首看人世空悲古
逝川

夜宿華頂

南堂詩鈔卷七

七

星河簾外逼殿影夜峻嶒獨宿諸天上千巖栖一
鐙

銅殿

人天開異境三卜定華山鷲嶺雲中出花宮物外
閒

拜經臺

梵宇東華勝蒼松西嶺開已忝飛錫地復謁拜經
臺白石了微義清池無點埃誌公今不滅時有沤
雲來

龍池

西麓湧清泉池涵開曉鏡千年苔蘚青萬壑松杉
映窅靜太古心誰鑿混濛性洞徹翠微間觀空了
明淨泯然日月光黯淡雲雷應蜥蜴此中遊舍靈
得其正

貝葉經

不曉梵王字空翻貝葉經夜深聞有誦應恐是山
靈

法華經

宋趙孟頫筆

禹穴閑藏書華山子昂字釋子重貞言吾儒貴筆
意披閱對秋旻珊瑚榻上墜格力破鴻濛天工運

南堂詩鈔卷七

八

神智幽壑挂銀鈎靈巖送深翠回首兩崖間聽
透魑魅

貽定菴上人

師年一甲子四十此山秋淨行雲無着禪心水不
流朝叅來舞鶴夜誦聽潛虬我有林泉興能從惠
遠遊

遊攝山

下馬夕陽寺秋山逸興寬落霞邀伴侶採藥向巖
巒

千佛額

何年成覺路誰鑿此山來剝落遭風雨世尊尔亦哀

白鹿泉

來
衆生今不見法度亦塵埃只有清泉在時無白鹿

天開崖

萬木鬱參差天開石壁竒秋風掃葉路來讀禹王碑

寂高峰

一氣青今古孤峰寂上頭更無山與並惟許白雲

南堂詩鈔卷七

九

遊

秋日諸同官遊茅山

共入華陽路秋風石徑齊此中盛山术靈藥望刀圭
犬吠洞花落鷄聲村澗迷夕陽紅半壁返照上丹梯

又

邇來蠲百念愛道謁三茅欲問長生訣還將习世
拖鳥飛丹竈近幡影石壇交日落且歸去松雲出
額坳

遊秣陵諸寺

十里南朝寺天清院，遊僧閒庭樹古磬靜塔雲
浮花密葳方丈山青倚佛樓幾多金粉地到底屬
緇流

燕子磯阻風

雨來雲壓山船泊小洲間水蓼無心醉風鷗有意
閒煙吹崖樹柰浪打釣磯還處，江濤澁君看世
路艱

曹水部子清以余贈几賦詩見懽和韻答之
名園幽几禰相隨隱見青山若列眉客退棟亭聊
試墨公餘花署日題詩未須伴我烏皮在何以報

君青玉宜夸傷賢豪頻拂拭不教塵跡蔽多時

六朝松

自得山靈護非開雨露功烽煙留獨樹世代幾蠶
蓬老榦空排鐵蒼皮漫似銅孤撐寺門路無復晉
人風

三山

用謝朓韻

桂席落三山登臨指京縣鴻雁來天末磯鷗遞隱
見川長憶玄暉千古澄如練不見綺裘人西風遶
郊甸落日散漁樵煙波誰歡宴缺月上東林行歌
踏霜霰歸夢荻花中江雲倏已變

蟠江水一條碧野楓千樹丹炊煙兼暮色歸路月
光寒

謝公墩

遺跡空殘隴登臨感勝遊朝煙寒野水暮雨過西
州芳草懷君子閒花映古邱昔賢逢世運來往著
風流

早春

東風吹雨歇枝上鳥啼新短草嫩含綠疎雲低釀
春墻陰餘積雪竹徑不逢人習靜都忘我朝忝任
懶頻

南堂詩鈔卷七

十一

棟亭夜話同水部曹子清廬江郡守張見陽

分咏

斜陽雨霽半欄明浙々秋風過棟亭世事盡皆浮
雲薄吾生何處肝膽青邗江替日誰同調博物張
華無與併白下論文今水部文章子建波瀾驚得
逢意氣神不隔我於二妙心炳燁入門相見各歡
笑山光樹色花盈々清尊一置開軒牖白月欲落
參斗橫人生聚散豈可定亦如泛梗與漂萍况復
此會誠難得恰宜放志相忘形夜闌不辭秉燭坐
詩書更許重論評傍人從笑名場拙各自葵藿相

烈山

川末見秋山浮波一點石獨留萬古青永破長江
白我生愛探竒浩蕩尋絕跡採藥步層阿隨鐘到
仙宅境靜雲鳥來崖幽松竹積何異蓬島居地隔
紅塵色吾願結吾廬棲遲此巖壁

慈姥山

連雨度江南泊舟喜新霽踈柳碧波澄秋山紅葉
麗絕壁倚招提夕霞明天際寸帆貼水飛千峰插
雲閉野竹暮舍風尚作龍吟細不見咏詩人滄波
邀何世

南堂詩鈔卷七

十一

翠螺山登太白樓

長洲落鴈夕陽浮艤棹還登太白樓一帶青山來
睥睨千年丹閣擅風流松雲自替催詩就江月於
今伴客遊曠世仙才終謫去清平調出漢宮愁

采石磯懷古

采石磯頭浪向東我眉亭畔見秋鴻江聲山色晴
無雨楓葉蘆花暮有風削壁至今旌旆杳寒潮依
舊舳艦空前人事跡堪惆悵王氣終銷落照紅

清涼山

立馬秋空外天高足曠觀石形禰帟踞山勢見龍

倒傾古來道合心能醉何用膾炙吹竽笙

戲贈程中翰

嘯傲風流孰與陪論文深愛謫仙才曾經鷓鴣殿
前立綵自鳳皇池上來三月春光青柳繫一溪紅
浪絳桃開金陵盡說饒佳麗沉醉還應日幾回

城西桃花

風日城西好花開正許遊隔溪紅雨慢別塢艷雲
留寂愛臨波靚遙逢倚渡羞憐渠儂自接浪軟不
禁舟

又

南堂詩鈔卷七

三

步入千霞內身從萬紫羣金鞍簇漢婉酒肆倚文
君春路重々醉鶯歌恰々聞不知何處所但見女
如雲

又

崔護題詩至花間駐小驄春風人面隔舊恨與今
同絲管朱樓出胭脂碧水通喜看堤畔柳深綠露
嫣紅

又

芳躅遊人散春山剝晚霞歸巢忙煞燕鋪徑可憐
花惱近河陽髮欣茁衛玠車一枝兮粉署爛醉插

烏紗

寄睦州文中弟

宦海波濤過十暄愁城歷亂不堪言已將鬢髮名
場老留得溪山逸興繁花外每尋桃葉渡鶯邊時
出謝公墩春風問訊嚴陵客可有清詩寄小軒

孝陵

竊歷孝陵路樵歌每出遊野花然劍佩春草卧驂
騶享殿瞻天表松風拜冕旒當年熊虎守誰敢問
山陬

靈谷寺

南堂詩鈔卷七

十四

花落前朝寺鶯啼已暮春青山叅徃劫白日靜遊
塵殿古天香異臺荒覺路新久拋心外物惟有未
閒身

牛首山

初日照雙鬢搖鞭指天關坡陁入翠微香藹巖佛
窟暗水響溪橋野人種蔬蕨春山藪柏香修逕過
雲歇懸崖沒鳥飛孤塔漚空出石級逼青冥花巖
對齒翠婆婆老樹胎却寄冬青骨疑是梁宋枝猶
拂齊陳月浮世偶來遊烈風時颺發絕頂所見空
江流細如髮遠峰高若攢衆嶺低若撮暮色太蒼

蒼畦暎逖鱗綴開襟暢目長撫境悲塗潤閱代日
推移吾將忘簪笏

西亭午夏

桐院午陰靜雷鳴花木蘓驚風翻苻帶急雨亂荷
珠樓外雲全暝池邊日半晡晚涼看茵茵清興不
能無

鳳凰臺

空臺已感替人遊人去又經幾百秋天上浮雲何
處所洲前二水至今流龍蟠席踞山驅馬鳳去凰
飛浪狎鷗仍是當年懷古意寒花宮草不埋愁

南堂詩鈔卷七

十五

松石引

我有五株松長倚三峯石望觀耳目清對之形神
竅幽如大林邱靜若太古色蒼枝來野煙翠額留
雲迹數里遼山行連峰日初闢恍然天台畔遙見
霞城赤洞鶴唳有聲石橋路不隔玉女戲層阿仙
人長對奕翱翔萬仞岡長嘯千峰宅但覺歲月悠
寧知人世窄憂來向此袷似勝橋中客

除夕寄四弟文中

聖待春來臘又消新年舊歲判中宵

是夜子時立春

水仙花

慎微香度山鬼江城爆竹燒異地人同南斗望連

翻雁向北庭遙時文中有齋鮮綿甲之役五弟文東赴銓六弟文逸奉旨調征俱赴上他鄉守歲
無鄉夢瓦雪初融滴砌蕉

貢州

一身任陸沉風雪連宵邁夢醒馬嘶寒人喧村店
隘津城罷曉柝驛火明官解西浦宿霧塞東林紅
日曛漸遠秣陵峰已入貢州界

邗上晤別文中

握手正張鐙邗溝來夜話連枝兩雪中萬里憂行
邁所喜高堂人雙魚說健快河橋融春冰蹠蹕泥
塗隘天子事西戎兵甲臨絕塞報主寸心懸

南堂詩鈔卷七

十六

征鞍結小隊裝束若并兒長驅詎敢懈遙聞濟南
旌已出山東界

觀漁

人語春塘內觀漁泝淺流截網浮鷁首屈尾上鯿
頭已失清川樂應供翠釜羞洪濤終不息多有漏
吞舟

春郊行

二月江南春花多艷遊目十里五里霞前山後山
綠鶯燕各自忙春風無斷續我為探春行一馬隨
一僕問酒過溪橋尋詩到幽麓寂愛竹籬中數枝

紅出屋

抵家後將卜 襄壯公宅兆示諸親舊

遊子雖則歸故鄉今亦客同氣久睽離予宗詎遍
識周問及親踈次第叙姻戚喬木記家園老成稀
疇昔夜雨出青烏夢寐通窻窻明當首雲山事茲
風水役

額行

百里穿雲到芒鞋踏未休牛眠何處指人語亂峰
頭紅葉圍青嶂清溪倒碧流山行傷落日歸卧竹
間樓

南堂詩鈔卷七

十七

借文中文逸弟省新卜天花宅兆

侵曉出城東初日照林紅江山方首歲天宇漸和
融登頓盤額吐麦浪青濛濛百里包原隰溪峰轟
以椎連峩鬱趨赴相率似朝宗特起星辰大諸山
不敢崇茲實蘊靈奧宅兆卜此中太冬始經畫棲
宿竹樓空十旬課風雨新柏皆蒙茸人日攜同氣
瞻盱與我從俯視大合溪碧流環雍容仰見清源
高如對華與嵩六秀紛呈御垣城羅萬峰居然列
帳殿端拱芙蓉宮故老復吊賀天寶相先公蕉花
十步種古記今則同物理會有歸我心終無窮日

斜猶竚立望、迴悲風

立春日葵山兩宿

雨溼南安道雲飛晉水濱
梅枝未報暖此日故鄉
春渺、入前路蕭、迷遠村
我行幾盤折已黯千
嶂岫吾祖德配古葵山
冠八閩肅拜忽微霽豈亦
慰諸孫淒涼還睇眈松柏
鬱鱗、往者樓船渡橫
波鐵鑊湮鯨鯢歸化日
海宇慶師仁廊廟紆南顧
提封寄老臣比年垂鎖靜
重譯貢文珍緩帶簪羊
子投壺今祭遵孝思終罔
極節鉞歲時臻河山期
燕享箕尾遠上賓痛哭終
天恨茲來歎此身悲聲
振林壑暝色迴郊津茫、
水雲暗慘、歸途迤漭
沈終四下助我夜沾巾

南堂詩鈔卷七

六

過文逸六弟新移小築次文秉五弟韻

苔徑圖書入花窗劍佩移池生
夢句好雨亦對床
宜瀚海曾飛騎燕然早出師
吾家直卻穀暇日即
敲詩

過文堯八弟退省軒

蘭蕙光風泛頻過意藹如虛懷
日退省命意此軒
屈季弟方年妙長兄今鬢踈
喜茲萬牙軸架有鄰

侯書

雨中超上人見過同曾聖孚戴則紉文中四
弟文健七弟集空山亭

雨徑春寒花寢香水邊濃溼冒池楊窠中相對渾
忘事共愛支公說法長

上清源山

曉上清源峰、峯雲未戢天氣漸成陰東風轉習
習烟飛衆壑迷雨洒窮崖泣莽、陸沉翻浩、洪
濤入俯脉六釐傾仰觀元化溼一氣接混濛三山
隨吐歛側足萬丈巔置身千百級乍悲下界昏惟
恐蛟龍襲俄頃開嵐巒乾坤依舊立魚城出畫圖

南堂詩鈔卷七

十九

麦浪今原隍碧海鏡新磨青峰髻濃集鞭撻日馭
奔崩騰劍壁澀古木何鬱盤孤根在窠炭洞腹蛻
仙姿岩花暝雲笈我欲問仙踪疇能去鄉邑世路
日泥塗春光過九十惟願息浮榮朝雲來共挹轉
徑下青冥泉清無用汲洗滌舊塵纓忘機對蓑笠
谿口碧桃花

溪浪不兮白山青明遠臯鳥翻枝上雪花覆水邊
初漁父湯相指孤雲洞口高

登紫帽山

春山路近有鶯啼仙掌丹爐卻向西半嶺亭閒流

水急片雲雨衣下方迷花開古洞何年出僧種寒
烟帶鍾馮直踞凌霄峰頂坐斷虹疑是挂天梯

秋景

巫岫連峩起高人對捲簾何曾為雨衣只在此山

尖

秋雲

又

瀑泉飛西三洞壑秋多少欲買此中居深公笑未

了秋山

又

雲路三秋濶洪濤復吐吞曉風吹不落萬古挂愁

南堂詩鈔卷七

十

村

秋月

又

遠水平如案洞庭千樹柑欲題三百顆寄與舊朝

簪

秋樹

又

浩瀚終輸海觀濤憶大江魚龍翻寂寞鷗鳥日成

雙

秋水

福州道上

我行季冬月鄉路若春闈界草頽廡綠崖花覆石
癡程遙人意速日落馬蹄難太息閩關道遺黎百

戰殘

登鼓山

花宮帝子望孱顏十里松陰接世間
舊劫幾更新歲月今雲猶覆古江山
未成碧海千年去暫息諸天半日還
更欲磨崖書姓字紫陽遺蹟絕追攀

崖鐫有朱

子書蹟

湧泉亭

萬古潺湲去不歸清泉還共白雲飛
能同明月空人影未若青山永息機

道中寄為霖禪師

南堂詩鈔卷七

廿一

蒼岩老柏千年寺七葉真傳第一身
覺世盡將登彼岸渡蘆先自出迷津
經翻白馬江山舊法喻青蓮沙界新
漫道煙波隔靈鷲禪心時對古天親

陟山亭咏菊

白雲一徑遂初衣高士滿籬談落暉
正對南山把陶集未容俗客叩柴扉

九日次杜韻

千峰一水畫圖寬九日風光稔稻歡
閣賦滕王唐歲月籬吟野菊晉衣冠
羅裳半舞青天外金粟高堆碧落寒
謾向明年說誰健茱萸願老故鄉看

雨

曉起炊煙帶溼慵雲飛雉堞水聲濃愁垂橘袖黃
金重望斷芙蓉第一峰

冬日

幽憂卧田里時歲若卷舒冬風吹槁葉寒節相與
俱物色替原野嘉木思睿敷不作潛夫論時者參
同書

別文逸弟假滿之任歷城

曉飛旌旆出城東執別淒然岐路中千里鴿原今
日異他年鄉國幾時同家聲共指西平舊緩帶應
傳芥子風我有離愁何處是霜天已逐北征蓬

南堂詩鈔卷七

三

別文堯弟北土

日出城頭紅杲杲輕裘勒馬東門道吾家季弟赴
燕雲二十妙齡去鄉早賓朋合杏相送行長兄惆
悵色枯槁七閩額路首漫漫桑井家園跡如掃幾
迴淚洒洛橋波昔日軍懸白鷺島海折山翻風浪
昏天何不愁遺一老千年邑起龍驤塋萬里思深
雨露浩許國寧知莫愛身登壇端必輸懷抱長亭
道遠峰青野水東流去不停人世每多別意苦
況復同氣傷離形金臺遠在青天上雨雪載塗魂

屢驚翔颺怒折齊河柳霜影凍殘魯店星馬蹄凌
兢踏寒月鷄聲呶啞趨嚴程長安行路難如此莫
言意氣橫相并故人一別已回首我獨佇立猶屏
營

睿景

柳堂山送翠鷗渚水搖青饒有江南意睿堤倚画
舫

又

花島馨香路園亭景色睿臨池猶未畢知是換鶯
人

南堂詩鈔卷七

三

又

垂柳一池平飛花兩岸輕明朝看水上應有綠萍
生

又

草綠池塘潤風柔午幔輕西堂人夢句啼鳥窠無
聲

睿日過萬爾言水淥齋亭

名園分沁綠高柳半垂絲堤暗籠朝日風輕漾碧
漪有亭皆面沚無水不平池安得勤來過觀瀾與

子宜

又
石橋明鏡裏書屋洞花間
逸興齊康樂新詩邁子
山架懸名畫重床拂古琴
閒即此市朝隱岩棲莫
尔攀

次韻答王少叅素臣

海邦霜紀肅帝命繡衣賢
德潮佩刀慶忠惟叱御
傳魚鹽紛感激草木盡敷
宣政簡人禰易風清孰
可前隴頌返築室人事屏
歸田豈意瑤華贈重来
紫翠邊安能凜白雪祇是
嘆朱絃碧海真堪掣蘭
茗愧眇綿

南堂詩鈔卷七

廿四

南巡恭賦

天文二月轉陽和聞道君
王巡幸過地遍青徐
遵海岱江南江吐沫思波

又

蓬萊吐伐詔書馳玉塞煙
銷赤羽旗三十六臺
雲拂騎掃清瀚海勒王師

又

邊塞清時見太平皇威吐
暢遠人情惟餘南顧
淮黃水廟筭應須藉聖明

又

雲簇千官花外行
龍翻旌旆柳邊揚
黃河宿衛嚴
更鼓月麗
宸居夜未央

又

堯圖九載奠神功
此日淮揚履
聖衷北極星辰
皆景從河靈奔走効臣工

又

隴畝波翻魚鼈羣
萬夫荷插日如雲
年々疏築糜
金帑從此洪濤息不聞

又

吳地桑麻雨露新
省畊蠲賦沛堯仁
河山隨處呼

南堂詩鈔卷七

廿五

三祝日月光華慶
一人

又

羽林森肅藹香煙
扈蹕江山靜遠天
盡使經過農
遍野不驚魚鳥市
安廬

又

翠華南幸萬人歡
鳳舸雙飛兩岸看
憶昔絳桃春
覲日花前拜手上
河干

又

翹首雙瞻向北辰
海隅歡忭慶孤臣
綵航日影開

宮雉想像
天顏奏對頻

過澄圃

喬木變新烟，春風舊池館。含悽一入門，惶顧栖巖窟。
竄傑閣俯清漪，長廊轉山畔。石扉掩半開，窗瑣凋
朱欄。翡翠過空磯，錦鱗躍兩岬。梁荒蝙蝠遊，徑仄
蒼苔遍。渙水中央柱影橫，橋斷憶昨清宴。娛緇
衣日凌亂，勸客倒金尊。行厨出竹巒，綠野醉裴公。
西園賦王粲，於中十餘年。人盡仰圭瓚，寂寞今何
如。雨畢雲離散，臺榭徒有悲。碧塘流漫漫，想像薄
暮間。佇立百憂鑽，微情雖得請。廬里終須判，惻
遊子心落日，誰與唁。

南堂詩鈔卷七

六

額行有待

夕陽驢背遠，荔子額頰丹。隴水分田入，村橋獨木
安。野人畊侶歸，客路盤。有待脫塵鞅，空余青
石磐。

上賜息岩

名岩隨結構，飛閣倚山前。尚記依稀徑，曾來謁洞
仙。時有道流
聖化洞中

歐陽石室

石室讀書處，今為猿鳥留。穿岩紅葉匝，過洞白雲
流。山色昭前代，文章企後遊。再瞻蒼壁字，風雨蝕

銀鈞

龜岩

山風吹步履斜日上龜岩巢鶴聞人語盤飛百尺
嵐

彌陀巖

靈岩石壁轉虛微一道松陰蔽鳥飛濯足重臨流
水衣振衣更上遠峰歸雲心出岫原無定樹色參
天有幾圍日暮還須留短詠莫令空憶謝玄暉

己卯人日治屋西蔬圃已偶成

好道澹忘交家居若避世間看種樹書長日無所

南堂詩鈔卷七

廿七

詣行樂過西軒我意欲有治屋角破寒煙呼僮課
其糴蔓艸勿令滋凌劉絕壑蔽瓦礫勿令侵廓此
方寸地漠々種嘉蔬荷鋤勤灌藝引水偕長流桔
槔可不繫齷齪者誰子翻然訊誚繼寧知靜者懷
豈必饗殮計維南有高山奕々當戶砌樂我好新
圃送青來天際

登清源山後樂亭感咏

磴道蒼崖高山亭翠柏古勳伐紀南天遊觀出棟
宇邦人指隋淚遊子悲陟岵

上彌陀岩見壁間舊題

曾掃寒岩五字詩水流雲起似當時重尋舊跡都
無恙十四年來鬢有絲

園梅

游子歸來三見春梅花亦覺故園親明年憶汝定
何處匹馬燕山薊水濱

題山中隱居

魚樂觀濠是雲間出岫非漆園終避世元亮自知
歸樵路穿峯頂漁床望釣磯覺君多道氣容我扣
柴扉

池月

南堂詩鈔卷七

廿

夜々池頭月隨波又逐風自憐一片影浪跡與君
同

上 襄壯公 賜瑩

山似芙蓉插帳開溪流碧玉抱山迴松坳風起蓼
莪作瓏首雲霄靈馬來優詔千年承羸羸皇華三
使拜崔嵬而今 主澤正無限官放躬畊傍艸萊

去歲有蘇守之 命因母服
未闋懇請蒙 俞允終制

杏花

數簇杏花艷一亭風日采池邊終宿雨屋上有鳴
鳩脉々故斜舫依々深倚樓今朝晴放眼不是昨

含愁

入鳳髻山感逝

山花紅滿路寒食澹朝暉澗水起環珮溪雲悅
悅衣傷心惟隴隧回首失閨幃豈憶芙蓉署江帆別
我歸

久雨

久雨連旬暗千山盡斂容逞寒花別去林滅鳥無
蹤釜灶家々涇雲泥處々封魚鹽喧市價不獨憫
畚農

碑亭

恭勒御製賜篆
壯公平澎臺詩文

南堂詩鈔卷七

七

金鑠閔崇墉蒼波涵帝澤魚鼈蘋葉中鳥遊芳
草隙玉尺畚葩輝朱甍朝日射肅瞻御氣憑仰
對宸翰逼雲漢耿昭回天文麗奎壁庭樹擁寒
青會須長千尺一戰闢河山萬禩垂貞石

春日待許山人晚至

孤嶼春潮滿山齋白鶴回小橋人欲到花外抱琴
來

尋塔

綠野行應遍青山望轉頻春歸何處所柳絮占江
濱

又

數里杜鵑哭山行一徑歸迢迢逾素額同月到柴扉

廢園

園路威夸趁螻飛主人管在有光輝西隣野老閒畦菜掘破清池出翠微

山行遇雨

細路飛花片前山入雨容林端歸海鶴江面挂雲龍白壑坡頭浪黑摧岩際松誰將水墨畫潑出兩三峯

南堂詩鈔卷七

三

武夸茶歌為葉淡遠賦

閩山諸山武夸勝帝毓與區莫與並金堂玉室遍此中靈木琪花固其賸至今存者架壑舟誰其犧之千仞頭吾意蓬萊失左股造化割此盤中州中州居民為樂土霧蔚霞蒸業茶圃大王峰頂搏紫茸玉女鏡前摘露乳陰崖陽額氣候分接笋入天採風雨流香澗質殊可人宋樹月崑龠還愈爰有白毫品最佳碧霄一種冠他譜梅花標格亦無嫌金鼎石麟微忝取我聞岩洞名較奢上洞精竒中洞嘉下即洲茶雖瑣猶當十倍顧渚芽法家製

作各異造近傳山僧語
開好連拳鷹觜出金錡
激濁揚清非艸建陽大賈
每經營五月新茶到桐
城桐城有客葉淡遠識
妙鑿頁久知名居閒別
盡山水性物義必然歸
至精鶴窗文室困懶拙
小杓分江對我烹埽爐
活火縹煙靄石鈍翻濤
急雨聲淪蘭試水入三
昧吸月奔川輸杳冥當
軒不獨破睡耳直灌玲
瓏樓閣裏文園渴疾此
時消杜陵肺病此時已
百節清虛体自輕何須
飲露吸石髓君不見盧
仝腋下詠風生又不見
陸羽山中著茶經温香
色味吾無間三十六峰
君細評

南堂詩鈔卷八

後集

晉江施世綸文賢

五月聞 命起觀察淮徐發泉城道中別諸

親友

築室三年鶴頂間松楸一別判雲山頻傾雨露柴
荆色未放煙霞鹿豕閒鸚鵡聲中分白水杜鵑花
裏過梨開驪駒在路僕夫駕遊子廬、何日還

黃田驛溪漲泊舟阻雨

峰腰驛路雨昏、灘漲沿溪盡閉門喬木變遷悲
望帝崇山稠疊怨王孫藹家太國將千里宿水餐

南堂詩鈔卷八

十一

風倚獨村方寸升沉吾已定不隨沙纜短長痕

上建溪

一帆風未正百丈上潺湲舟澁如生蒂人牽似飲
猿俯看丹石壁仰見白沙村萬疊千盤路難留太
國魂

又

越嶺通閩嶂叢沍建溪驛長侵鳥道邑小似鷄
棲澗水生雲碓山田帶雨犁行、無數里早泊大
灘西

黯淡灘

千峰無坦路一水不平鳴漫記溪灘目寂聞黯淡
名我來方習坎處觸崢嶸赴峭若緣木憑高類
建瓴但恐或失勢垂堂貴勒銘安得五丁士開鑿
令其平日落蒸雲霧袞猿嘯冥冥安危係出處誰
復貪利榮不敢懷長往傷火宿沙汀

建陽道中

幔亭入我夢清曉上籃輿逸興寧辭遠名山實起
予風聲侵野渡嵐氣襲衣裾正好尋真去年來閱
道書

類雨

南堂詩鈔卷八

二

稍晴雲復釀前雨後山巖適與額頭遇真為人外
忙亂流奔畝澮異漲失溪塘石路遊蹤小岩花暝
客裝

武彥山

踏翠穿雲渡遠津洞花落後訪仙真烏紗白袷追
遊暮碧水丹崖往顧頻板斷虹橋無復讌船留駕
壑待何人笑余分得岩泉飲夏乞溪山一曲春

登仙掌峰天遊觀

仙掌高懸欲接天遊此路可通仙道遙物外雲
來往呼吸人間事萬千絕壁霞書牘晚霽諸峰螺

髻沐新煙憑欄識盡陰晴意始信名山有厚緣

紫陽書院

隱屏晚對入斜陽五曲來登舊講堂山水宛如仁
智在煙波時護權歌長九峰雲氣通先哲一字麟
經接素王吾道至今皆仰止溪風欲薦紫芽香

崇安道上

千盤鳥路入孱顏百道奔泉挂額間卻想珠簾遊
九鯉嘗思瀑布到崖山白虹影破鴻濛色玉珮聲
從太古間安得剗開諸疊嶂一帆流水遍人寰

柘浦書懷

南堂詩鈔卷八

三

晴沙歷々滿前川柘浦人家夕照船綫定旅視灘
水惡還攜行李額雲偏書緗縹緲隨長路花萼依
稀隔遠天為語粼々波上月流光直到故園邊

漁梁

人煙生遠麓晚樹綠葳村白石籃輿路青山古驛
門日斜涼稍進雨過暑無存今夜漁梁宿應知清
夢魂

楓額

額頭石路雨茫茫翠壁閒花古道傷水木潺湲分
浙右山來重疊鏤家鄉雲中畎畝千層綠澗底松

簞百尺長又是一官羈絆出草廬未得卧南陽

入浙山

疊々峰腰若蟻盤行々路出白雲開詩情每帶煙
嵐色夢境猶聞石瀨潺已喜遨遊仙掌上更須登
眺釣臺間從茲太扞淮黃水未宵全捲心愛山

仙霞關

萬峰開一線傑閣費登臨地欲分南北天多與陸
沉雨來甌子國雲漲越王岑人世有通塞風煙自
古今

紀夢

南堂詩鈔卷八

四

夜夢題詩向岩室紫光雲氣龍奔逆怪底江山墨
淋漓醒來風雨猶未畢豈是新從柘浦過宦遊也
進江淹筆

出峽

看山玩水勝朋談湏帶陰晴兩意忝今曉江卽雲
氣淨昨宵峽口雨聲酣層巒翠滴眉拖黛極浦風
輕袖鬱藍歌鳥啼花閒點綴旅途難寫此幽探

江卽石

何年補天石落向此空山削立煙光外高標鳥跡
間峯心穿月窟樹影逗雲開歎息神仙地嗟我不

可攀

嚴子陵釣臺

我愛溪山好先生傲此中
祠前千嶂月臺下一江
風景仰高人在蕭條漢代空
至今起釣者亦是薄三公

出瀧

入瀧生隱心出瀧思用世
不上嚴陵磯方舟自搖曳

錢塘懷古

洛陽四固失金湯南渡君臣不自強
歲請和空

南堂詩鈔卷八

五

國感紛議戰亦家
三故宮離黍無人問
義士冬青有傳香
王氣百年已消歇
至今鳳舞到錢塘

發錢塘風便甚次日已抵蘇州是夜泊楓橋

帆影餘杭暮山光笠澤朝日斜
問宿處詩興在楓橋

京口

吳地金焦盡江聲
楚境寬鷓歸爪步
樹人對潤州山氣
白潮初上風清夜已闌
經過生舊憶曾此嘯波瀾

清江浦

浦浪高於屋居人接踵棲魚蝦爭市鬪蛙黾躍堂
閨落日駕艤舸秋風鳴駛駉安危須衆力蟻築漫
河堤

彭城懷古

微霜昨夜度黃河木落徐開秋色多我意已從天
地淡雁聲初帶水雲和高人縹緲無歸鶴學士風
流有放歌獨上荒亭時一眺龍山青擁女牆過

兩次橫庄

聽雁排雲影看山帶雨容纔行四五里已失兩三
峰月掩防河柝風傳隔岸春明朝騎馬路應憺障

南堂詩鈔卷八

六

泥封

徐州晚發

素舸乘流向遠圻徐州白塔轉稀微風吹湖雁斜
人字日落寒魚上釣磯百頃秋田官種柳數家茅
屋嬾無衣役夫媿僮新觀察未得全河故道歸

又

潮鷄月上夜初闌水函漁歌人倚欄遠岸一痕如
髮細長河百派湧金寒直須遙擊空明盍暫放幽
懷宇宙寬寐靜無隣山四碧霜天獨望正衣冠

悼懷

鋪欄無計護名花，仙種還歸閬苑家。
玉質瓊姿雲外想，曉風殘月挂窗紗。

又

秦樓桂子鎖秋寒，弄玉吹簫杳不還。
腸斷一天霜露滿，空留蕭史在人間。

重九雨夜

密雲重九夜，踈雨菊花天。
雁憶沙洲外，人分楚水前。
青山藏旅月，古樹溼寒煙。
夢斷茱萸女，清吟慰寐然。

白洋河旅次

南堂詩鈔卷八

七

征途頻駐馬，旅次復彈琴。
自寫相思曲，誰傳一片心。
洋河流不細，風雪意何深。
嘆息陂田鷺，天寒立短襟。

雪霽登樓

南山霽雪暎樓前，列地銀屏誰插懸。
幾點寒鴉如落墨，一行歸雁欲書天。
駸々遠騎梅花外，渺々孤亭酒旆邊。
報道流澌昨夜下，陽和千里破冰川。

黃樓

黃樓城上日悠々，黃樓城下水東流。
山川形勝幾回首，芒碭風雲慘淡收。
戲馬臺邊寒牧馬，重瞳公

後空沙鷗熙寧出守眉山老調濟洪濤扞禦周魚
龍偃蹇驕河伯風雨夜徙入澶州百神受職咏河
復黃土壘堊東城頤五行狀勝理茫昧古人作事
為民謀憶答秦時蜀太守欲平水土鎮犀牛竟
奔亡水橫溢詭怪何得擬斯樓文章直氣如韓海
放逐人間追綺裘憑欄夜嘯披衣立黃樓千載伏
潛虬我来仰止梁棟下想像安瀾臨清秋莽蒼一
代歸何許惟見孤鷺飛平疇落霞半捲晴天外寒
柘依夕照浮青山不改彭門郭叟有何人吊管
遊

南堂詩鈔卷八

八

湖上憶別寄文中四弟

浦上相逢二月春王程此日駐江濱桃花棹裏輕
言別柳店宵中重憶人東路雲山君去遠南湖風
雨我来頻許多未話經年事總付淒其兩地身

夏夜小集

鱸盤歷酒頻詩酒欣逢景色新竹影花香皆有韻
風清月皎自無塵詞源已似倒三峽雄辯真堪驚
四隣謾比西園賦公讌惟應咏我有嘉賓

荷塘過雨

雨弄荷珠綠山樵螺髻青餘雲行冉新艷立亭

亭神女歸巫峽湘娥倚洞庭上塘歌路晚風送下
塘聽

渡黃河北歸

半載南來今北歸時光倏忽早春非渡頭青草還
如袖天上白雲欲變衣唯有琴書從遠宦暫無案
牘亂清機高帆且挂橫波去回首山陽酒旆飛

又

岳猶汎宿水臨門又值湖山長水痕極目縷堤雙
髮細半船落日一篙存鷺依淺瀨立閒筇樹帶深
青圍遠村望久晚風吹暑去夏更看缺月浪中翻

湖雁

南堂詩鈔卷八

九

舟行遠上黃河曲微雨斜風行斷續昨宵殘夢被
驚回灘蘆沙頭幾個宿稻梁方獲水雲閒尔飛飲
啄江湖寬南溟鯤化九萬里豈知尔在天地間

曉行袁江堤上

風驚水宿起飛鳧一帶長堤白浸湖日出煙消明
霽景看叉魚艇聚寒蘆

江館書懷

滯雨楚江暮淒清公館闌砌花黃總庭竹綠珊
珊雁背粘雲溼人煙匝樹寒芳舟聞已發還泊下

邳灘

夜行

霜月曲如鈎，靜天無片雲。我行淮水上，孤棹泛星
文柳岸。千層碧彭山，一望紛南箕。明潁尾湖氣騰
夜分英，風起弱釣嘗思。捧下君懷舊，感隣笛如追。
向子聞搖，傷古心。假寐入河濱。

夜泊

霜天落日半邊赤，遠樹寒鴉栖幾隻。東湖煙火趁
歸人，北渚凍雲連額。磧蘆花水國，夜泊舟月上荒
磯。鳴澗詩人不寐起，推蓬水鳥驚飛呼格。腥

南堂詩鈔卷八

十

風擊柝竄大魚，雪湧銀刀時一擲。仰觀天宇淨，琉
璃晃朗踈星挂。洪澤此時清景與誰同，明朝倥偬
又行役。

洪澤湖堤行

湍流一勺下桐峯，巨浸稽天轉盪胷。不盡波濤推
歲月，有時煙雨傲魚龍。崩騰必藉安瀾手，清晏還
如汎愛容。行見遠山浮幾點，何人擎出綠芙蓉。

又

日記湖堤上，幾回春。花秋葉轉寒，梅不堪。人事隨
雲散，祇有羣鷗見。客來信馬下，經韓母墓吟詩屢。

過伯倫臺今宵又指壘頭宿一枕西風浪作堆

又

高堰卧波一馬閒我行如度月初彎帆隨淮泗從
天下鳥自邳徐落鏡間煙火黑堆袁子浦岩堯青
擁聖人山紅塘缺口斜陽色網罟爭懸急水灣

又

南埭迢々北埭遙風來處々相歌謠千夫畚插成
雲雨萬斛舟船載葦蕭岸上魚兒白勝雪中鷗
子黑如鷗從茲奏績安畊鑿鼓腹應知忘帝堯

黃淮交滙

南堂詩鈔卷八

十一

堯仁禹績正當離龍德先天並者誰山鎖支祈終
不改水驕河伯夏何之盤庚漫作殷人誥漢武空
歌軻子詩自古清流能激濁官教濁浪塵清時

袁江對雪

潑墨入湖天披圖閱素景何來頃刻花灑遍寰區
迴六出始分葩漫空倏交騁蛟蜨俄為周斌媚復
作環披斲羨王恭銜枚齎蔡警大地弄陰機鉅公
罷朝請縱橫郊甸紛歷亂闕城影袁江望盡合旗
亭跡亦屏不見驢背吟應回剡溪艇閉門卧高人
聯句賞閨穎粉飾奪河山月痕留楚穎琳瑯不分

天瑤田穀萬頃蟹舍瓊踈籬漁舟玉苓簪碧瓦凍
寒海銀瓶粘曉井快哉豐歲祥睹此不貧境憶在
去年時王程風雪永逕遲歌載塗四牡連項領宵
征過嶧陽肅踏巨岡額荒邨下五夏蜩縮鷺巖頸
嚴氣襲衣衾葦窗明耿々今來已匝歲旅館梅花
靚衝寒亦自開闔健紛還整轆轤卧一枝美人汲
素綆淖約姑射姿瑩然肌骨冷呼酒與之對玉山
頽復醒世界日迷離覆壁巖窪穿我欲騎白鳳直
躡神清頂笑謝六一翁請蠲茶體猛

河堤晚行

南堂詩鈔卷八

十一

渚雪聚寒雁湖風吹旅人冰堅時見渡臘盡欲生
春暗轉年光舊驚添髮髮新天涯增暮色歸路馬
嘶頻

立春貽文中四弟

碧窗冪々泛輕煙臘盡春生水國天浦樹江雲非
昨翕霜溱瓦雪漸融然喧晴鵲喜晨光內報暖花
籠淋氣邊又是一番新景物好將收拾上詩箋

除夕雨雪

小雨翻成雪東皇有意哉冰心調鼎鷄素手作藍
梅洒落風雲會陶甄草木來明朝又將過歲月奈

頻催

辛巳元日

雪籠江浦樹籠煙
睿靄寒光翠幕寒
象外紫微偏
暎戶斗間黃氣欲
豐年香靄宴寢朱
絲靜炬列堦
庭碧草妍遙想鳳樓方
午夜沙堤玉勒正朝天

又

楚國新年暖漸勻
河澌初泮起蛟鱗
雪田啄麥鴉
翻玉冰浦窺魚鷺
倚銀滿路東風逢解凍
幾家華
屋貼宜春宦遊到處
宦情拙料得湖山也笑人

出浦

南堂詩鈔卷八

三

淮草家、綠江花岸、睿賞心元夙
昔遇物自清
新慣住來卽浦欣為拙
宦人今朝纔止上二月已
中旬

又

登舟憑纜引閱歲
遍畊畝歸雁睿如客
閒鷗浪作
家成旗明遠日廢堰發
新蒼水國頻來往
勞生愧
髮華

舟阻河干大風雨電

三日大風沙雲濤壯
江泝崩騰觸四維
排蕩震三
楚勢若水上軍聲
迢拔廣武水電捲舟
航凌陰掠

凍雨恐是起蟄龍黯淡會風帟吾當濟險夸安詳
正篙櫓

遊下相極樂菴

幽磬發清機人天駐極樂深院不時花香風無住
著

馬陵山玄武禪院

帟眎踞崇岡孤城截其麓淮水迴帶襟洪流據胸
腹嗟哉形勝地鍾此重瞳目仁暴勢乃分坑降失
逐鹿回首芒碭間王氣亦沉陸胡為長者言出此
分羹肉成敗事豈天江山歸信宿廟宇塑龜蛇荒
庭留古木豈茲玄象設將以安四瀆我舟泊岸東
飛旆雲外轟春風日多春浪桃花逐臨眺豁經
過靛懷倚江澳

別戴則紉歸三山

芍藥花開別緒深歸帆霧裡越人吟馬周入幕才
堪賞阮瞻臨岐興莫禁世上風波君早涉南中山
水我知音幔亭舊憶同遊處九曲峰高一寸心

登子房山歌

青山重疊彭門道子房山下行人早鳴雞喔車
鞞轉巘迴岡歲月老我來不見泗水波唯見洪

流滾々向東倒天青日白兩悠々上有風雲縹緲
吹懷抱身依龍準心為韓封留辟穀智非巧當時
已逐赤松遊此日誰來荐蘋藻荒祠古木繫余思
袖拂岩花藉芳草相省突兀有黃樓異代英賢跡
未掃

息馬

息馬柳陰下鳴蟬方午天雲馳阡畝影風過埜塘
漣比屋藤花盛交媿芋葉翻老農無箇事支枕腹
便々

袁江聞蟬

南堂詩鈔卷八

五

斜陽殘雨蟋蟀天獨遠江樓柳樹邊隔水一航相
唱和違山十里尚纏綿梨開客望白雲斷楚塞人
分青靄連秋近南湖聽處々長堤曉月益淒然

九日

南菊客中開重陽節又來登高惟埜岬遣興有家
醅水溢飛鴻渚雲深戲馬臺二年江浦上風浪漫
驚猜

玩月

遠浦秋光接釣臺白雲秋水雁初回共看月色淮
南好線自洪湖浪裡來

寒竹

落景遍開城，肅霜凋草木。風歛女蘿枝，莫撼凌霄竹。
竹亭毒天地，心蕭森水雲。腹下根蟄虬，龍上枝引鸞。
族秩美南山，猗詠淇澳亮。節見吾廬寒，貞獨宿。

冬夜

風勢殘冬急，夏聲溼雨餘。竹窓時過雁，沙館獨觀書。
共濟勞舟楫，孤懷任卷舒。終宵天宇黑，樹杪數星踈。

河干書事

南堂詩鈔卷八

六

翳日泊郊寒，嚴風吹水涸。我舟滯不前，道遠何由及。
捨棹上橫陂，馬嘶暮聲集。靄陰氣生濛，雨絲嚴榷木。
鏢長蛟朦朧，新月溼賈舶。者誰子蓬窗，魚鱗戢勞生。
白晝間夜枕，如虫蟄。庶事浮榮人，郵亭戴霜笠。
有懶欲祭魚，枯魚過河泣。似聞訴不仁，相戕何汲汲。

又

誰能不行役，擾亦同衆嚴。霜侵薄裘，日出氣頽洞。
城闐散宿霾，亂潦破初凍。哀柳廁河濱，結根官所種。
塞流藉衆功，束薪以為用。側聞飛騎來，濫竽

爾充貢鬱々南山松參天失梁棟寧同桺下生臧
孫堪一哄去々勿復知吾亦方嚙夢惟應龐德公
千載識龍鳳

書齋

朝叅已過午日在小梅西架短圖書滿窗明几案
齊林香師閱道讀易尚灑溪但守猶瓶拙何須羨
滑稽

睿別文中弟 陞覲赴任山左余亦有楚藩
之行

江浦經過三見睿河干賦宿舊風塵片帆欲轉下

南堂詩鈔卷八

七

洪棹千里翻為南楚人雨霰乍看天水濶花開惟
祝雁魚頻烟波喜睹鯢駕化心事依々別潁濱

又

征車指日帝城睿策馬朝天紫陌塵暫偕東藩駐
皂蓋爭看吐海是詩人輿歌佇聽興來暮別酒雖
清莫厭頻後尔鳴榔花裏發水雲一曲寄湘濱

又

繇逢人日又逢睿小雨輕寒泥細塵幾樹官梅愁
遠客一聲折柳唱征人祝融峰上攜詩去郟子城
邊寄和頗自是陽和沙水暖雁羣飛盡楚江濱

又

南歸憶共故園春
此日東風不動塵
細草輕花臨仄路
青山綠水度閑人
翠微額卧石麟小
新柏岡飛雲影頻
萬里宦遊分兩地
與君攜手大河濱

即事

湖上春多雨
東風未宥晴
泥深袁子浦
波漲楚人城
曲岸隨檣轉
長雲溼騎行
驛書雙插羽
天策下神京

又

傳到東甌詔
會師討洞搖
連山浮瘴癘
細路入煙

南堂詩鈔卷八

六

霄出沒
憑狼窟
招徠絕
聖朝會
看置郡
縣萬里
剡荒要

漂母祠

一飯豈望報
溪毛薦至今
王孫當日貴
聞已贈千金

淮陰釣臺

投釣起封齊
荒臺楚水西
一竿漢社稷
風月似磻溪

發浦上

仲月看鴻吐
深齋買鷓南
和風來緩々
弱柳忝毵

耗白下懷知己平山憶舊談年々清浦夢昨夜到
湘潭

贈別郡丞李雪舟

西平之後世穠賢鄴架書籤映彩椽三策密籌蓮
幕重四知清節路人傳衡山雲接白門道淮水波
涵青草天千里河梁惟有夢昏風執手又何年

三泖塔院

破塊出雲螭朱丹耀水湄花岡交乳燕天蹕靜遊
絲飛閣流波轉長廊過客遲日斜鈴鐸語紅院看
辛夸

南堂詩鈔卷八

九

姑蘇宋漫堂中丞言別

季子交遊少經過憶鄭僑東風吹帟阜夜雨泊楓
橋縞帶歡疇簪清詩慰寂寥此邊鄉路近恨隔浙
江潮

奉頌宋漫堂中丞重修滄浪亭

嘗讀滄浪誌每懷陪繡韜薄遊終結分芳躅得追
捫綠水葳蘿磴春畦帶石門裊裊先往蹟感慨後
來昆長史亭依舊中丞政不諼文章持藻鑑化理
浹郊邨訪古垂興廢澄流必溯源幽軒從簡約喬
木任騰騫略徇頻經過碍廊數夕昏路人虛指摘

曠志在消煩明鏡屢疲照大起安決奔臨風還恣
眺我已三斯言

句容道上

句容今番路行來似故知春風重駐馬花雨舊題
詩橋畔鵝黃柳村邊鬲綠池茆山曾宿歲月幾
推移

將入金陵馬上偶成

馬首忽開霽龍蟠勢若臨日斜靈谷塢雲度孝陵
陰汲黯慙高卧東山感舊吟江郊諸父老勞我意
何深

南堂詩鈔卷八

二

次韻奉別水部曹子清

百尺波瀾起柁樓清詩忽下水西頓春風尚醉賢
人酒暮雨時霑使者騶正懼保釐才淺鮮寧忘金
石語多周衡山色似鍾山秀他日思君信宿留

天門

兩岸對青山吾追太白閒乘風千里去何日片帆
還烏帽隨芳草蒼洲點白鵬謝公宅縹緲波際香
雞攀

夜次皖城

孤城開皖國百雉與雲齊月黑鯨鯢過天清鶴鶴

嘶星河落額外舟楫近江西更憶龍眠老山莊跡
已迷

登小孤山

壁立孤峰青若螺千濤萬浪日推磨吳顛楚尾江
聲急鳥去雲來山色多我已盡登絕頂眺人誰半
刻落帆過危亭四起蒼烟暮何處芳洲欸乃歌

過湖口

天明出湖口風送一帆開疊嶺吐雲空江帶雨
來頻移青雀舫數逗白沙堆可憐石鐘響微茫隔
水隈

南堂詩鈔卷八

廿一

泊鄔家穴

風雨噬如晦南猿第一聲楚山千萬疊江路古今
行碧柳依雲幔寒花伴水程淒其芳草遍舟楫慨
平生

赤壁

凌晨過赤壁昨夜宿黃州風物歸殊代江山重疊
遊漁歌空互答客權自夸猶斷岸仍千尺蒼波去
不留

登黃鶴樓

縱目江山了芳洲黯淡容風雲飛燕雀雷雨壯蛟

龍詞賦空千古煙波浩萬重危樓看百尺縹緲捉
仙蹤

漢陽舟中懷文中弟

別尔來荆楚風濤滯客星對床何日得夢草幾回
醒洲過吟鸚武原長感鶴鴿詩成誰和我暮暮尚
揚舲

葦渡

蘧篲暮江上春磯風浪侵雷喧荊口夜雨落洞庭
陰一葦渡何處荒山傳至今人天終有漏函壁意
徒深

南堂詩鈔卷八

三

祭風臺

躬畊遺事業江上喋三分赤壁舍今雨青山帶古
雲時清龍不見臺圯鶴空聞夜盡東風急周郎破
水軍

岳州

鼓櫂岳陽下孤城波浪尊樓闌歸刳爐雉堞壯雲
根日落三湘杳天低七澤翻更誰吹鐵笛漁港泊
黃昏

君山

秦帝豈能赭君山依舊青誰憐三月火卻亦祖龍

延喬木含蒼碣幽蘭覆綠汀九疑終古望竹泪尚
熒々

又

翠嶺深巖寺僧閒課種茶涇書沉水府柳井暝曇
花棋響青松院琴調落雁沙頓忘塵世念未肯命
歸槎

過洞庭

春盡楚山青春波沓洞庭衆流輸浩渺南岳避滄
溟地潤雙鳧舄天浮一使星蒼梧雲不盡遺恨指
湘靈

南堂詩鈔卷八

三

入湘陰

寒城愁復沒天遠暮煙孤龍沓洞庭莖波翻青艸
湖落帆知近岸盤木有啼烏舟楫奄南服終憐屈
大夫



